庫全書

子部

欽定四庫

稈編卷四十六

詳校官中書臣賈

主事臣祁韻士覆勘 總校官中書臣朱 校對官檢討臣郭 餤

謄録 监生臣劉 寅 鈴

拫

うう 運 押編 耗地勢有良薄山澤有異宜 而成功多任情反道勞而無 水實有多少質性有 பு 唐順之 賈思魏奔 撰

為下良地一畝用子五升簿地三升穀田必須歲易二 月三月種者為植禾四月五月種者為稱禾二月上旬 者五月六月初亦得凡春種欲深宜曳重撻夏種欲淺 為中時四月上旬及聚葉生桑花落為下時歲道宜晚 及麻菩楊生種者為上時三月上旬及清明節桃始花 直盪汰不生兼與草歲俱出凡田欲早晚相雜有閏之 待歲生春岩遇旱秋耕之地得仰壟待雨夏岩仰壟 直置自生凡種穀雨後為佳遇小雨宜接濕種遇大雨

金灯四月全丰二

卷四十六

壠每 大三日日八日 髙 鋤 除草故春鋤不用觸濕六月以後雖濕亦無嫌苗既出 歲節氣近後宜晚田然大率欲早早田倍多於晚苗生 良良田率一尺留一科薄地尋壠躡之苗出壠則深動 如馬耳則錄鄉稀豁之處鋤而補之凡五穀惟小鄉為 不厭數周而復始勿以無草而暫停春鋤起地夏為 "澤難耕鋤得五徧已上不須構凡種欲牛遲緩 尺鋒之構者非不壅本苗深穀草益實然令地堅 經雨白背時軟以鐵齒鍋揍縱橫把而勞之苗 E 糾編

麥尼子大益忌申卯凡九穀有忌日種之不避其忌則 穀以生長壯日種者多實老惡死日種者收薄以思日 種人令促步以足躡壠底熟速刈乾速積凡五穀大判 **总卯稻麻忌辰禾忌丙黍忌五秫忌寅未小麥忌戌大** 種者股傷又用成收淌平定日為住氾勝之書曰小豈 午長於丙老於戊死於申惡於壬癸忌於乙丑凡種 於棗或楊九十日秀秀後六十日成禾生於寅壯於丁 上旬種者全收中旬中收下旬下收雜陰陽書曰禾生

長定四車全書 子芸而滅裂之其實亦滅裂而報子子來年變齊深其 梧封人曰昔予為禾耕而鹵莽之則其實亦鹵莽而報 **斂仲冬之月農有不收藏積聚者取之不詰尚書考靈** 曜日春鳥星昏中以種稷秋虚星昏中以收敛莊子長 秋之月農事備收孟冬之月謹盖藏循行積聚無有不 穿竇窖修困倉乃命有司趣民收敛務蓄菜多積聚季 令曰孟秋之月修宫室坏垣墙仲秋之月可以築城郭 多傷敗此非虚語也其自然者燒禾黍則害勢禮記月 . 钾) 編

長聽具自流待其自生大禹之功不立而后稷之智不 土墾草以為百姓力農然而不能使禾冬生豈其人事 仁亦在乎熟之而已矣淮南子曰夫地勢水東流人父 時穀不可勝食諺曰雖有智慧不如乘勢雖有餓基不 事焉然後水潦得谷行禾稼春生人必加功焉故五殼遂 如待時又日五穀種之美者也茍為不熟不如稊秤 耕而熟耰之其禾繁以滋予終年厭飧孟子曰不違農 用禹決江疏河以為天下興利不能使水西流后稷闢

ᄪ

為民資是故生無乏用死無轉屍故先王之政四海之 次に日本なら 則修橋梁昏張中則粉種穀大火中則種黍菽虚中 雲至而修封疆蝦墓鳴燕降而通路除道矣陰降百泉 生遂長五穀蕃殖教民養育六畜以時種樹務修田疇 之本是故人君上因天時下盡地利中用人力是以羣 以樹竹木春伐枯槁夏取果蓏秋蓄蔬食冬伐薪蒸以 滋植桑麻肥磽髙下各因其宜丘陵阪險不生五穀者 不至哉其勢不可也食者民之本民者國之本國者君

金グロルノアル ·責尺壁而重寸陰難得而易失也故禹之趨時也履遺 節欲之本在於反性未有能搖其本而静其末濁其源 於勿奪時勿奪時之本在於省事省事之本在於節欲 為治之本務在安民安民之本在於足用足用之本在 國利民霜降而樹穀氷泮而求穫欲得食則難矣又 種栗麥昴星中則收敛蓄積伐薪木所以應時修備富 而清其流者也夫日回而月周時不與人遊故聖人 不納冠挂而不顧非其争先也而争其得時也日氏 基四十六 日

東已り長 AM 糞者以原蠶矢雜禾種種之則禾不蟲又取馬骨割 惜草芳者耗禾稼惠盗贼者傷良人氾勝之書曰種 故速大横行必得從行必衍正其行通其風鹽鐵論 扶是故三以為族乃多粟吾苗有行故速長弱不相害 日去附子以汁和蠶矢羊矢各等分燒令洞洞如稠 石以水三石煮之三沸漉去查以汁漬附子五枚三 期因地為時三月榆炭時雨膏地强可種禾簿田不能 春秋曰苗其弱也欲孤其長也欲相與俱其熟也欲相 椰桶 Б 四

薄布數燒令易乾明日復溲天陰雨則勿溲六七溲 而 金与正是有量 教民糞種負水澆黎區田以糞氣為美非必須良田也 使稼耐旱常以冬藏雪汁器盛埋於地中治種如此 **禾稼不蝗虫無馬骨亦可用雪汁雪汁者五穀之精** 收常倍氾勝之書區種法曰湯有旱灾伊尹作為區田 先種二十日以溲種如麥飯狀當天早燥時溲之立乾 止軟曝謹藏勿令復濕至可種時以餘汁溲而種之 山陵近邑高危倾阪及丘城上皆可為區田區田不 卷四

灰已日東 Late |地積穰不相授令横作二尺地以積穰種禾黍於溝間 為率令一 相去亦五寸一 寸町好廣一尺五寸長四丈八尺尺直横鑿町作溝溝 文作十五町町間分為十四道以通人行道廣一尺五 夾溝為兩行去溝兩邊各二寸半中央相去五寸旁行 尺深亦一 畝之地長十八丈廣四丈八尺當横分十 尺積穰於溝間相去亦一尺當悉以一尺 溝容四十四株一 秤編 畝合萬五十七百五

耕旁地底盡地力凡區種不先治地便光地為之以畝

减一寸凡區種麥令相去二寸一行一溝容五十二 美糞一升合土和之畝用種二升秋收區别三升栗畝 去九寸一 早常溉之一畝常收百斛上農夫區方深各六寸間相 種大豈令相去一尺二寸 百八十株區種在今相去三尺胡麻相去一尺區種天 畝凡四萬五十五百五十株麥上土今厚二寸凡區 株種禾黍令上有一寸土不可令過一寸亦不可令 畝三千七百區一日作千區區種栗二十粒 卷四十六 一溝客九株一畝凡六十四 一林

金与正是石雪里

十二十七區用種一升收栗五十一石一日作三百區 民主四車 全書 三石薄田一十石尹澤取減法神農復加之骨汁糞汁 鐮此地刈其草矣氾勝之書曰驗美田至十九石中田十 之區間草以剃剃之若以鋤鋤苗長不能耘之者以刎 支二十六年中農夫區方九寸深六寸相去二尺一 區用種六升收二十八石一日作二百區區中草生炭 下農夫區方九寸深六寸相去二尺一畝五百六十七 百斛丁男長女治十畝十畝收千石歲食三十六石 **押編** 畝

|競穫禾之法熟過半斷之孝經接神契日黄白土宜禾 稷此言馬繁皆虫之先也及附子令核耐旱終歲不失 我如后稷法皆洩汁乾乃止若無骨煮綠汁和洩如此 子捧麋鹿羊矢分等置汁中熟撓和之候晏温又溲曝 沸取汁以漬附子率汁一斗附子五枚漬之五日去附 於穫穫不可不速當以急疾為務芒張筆黃捷穫之無 則以區種之大旱澆之其收至畝百石以上十倍於后 種種剉馬骨牛羊猪麋鹿骨一斗以雪汁三斗煮之三

1:1:1

四

灰色四重全島 图 三十斜宜種之備凶年稗中有米熟擣取米炊食之 早種無不熟之時又特滋茂盛易生蕪織良田畝得 出乃止如此禾核五穀不傷矣氾勝之書曰稗既堪水 時令兩人持長索相對各持一 後八十九十日常夜半候之天有霜若白露下以平明 謂之未未大也木王而生金王而死崔寔曰二月三月 說文曰禾嘉穀也以二月始生八月而熟得之中和故 種植未美田欲稠薄田欲稀氾勝之書曰植禾夏至 端以柴禾中去霜露日

椰織

減栗米又可釀作酒蟲食桃者栗貴楊泉物理論曰種 以備灾害田中不得有樹恐妨五穀力耕敷耘收穫如 樣農之本档農之末本輕而末重前緩而後急樣欲熟 自力に 以食肉入者必持薪熊輕重相分班白不提攜冬民既 豚 冠盜之至環爐树桑菜站有畦瓜瓠果旅殖於疆場雞 欲速此良農之粉也漢書食貨志曰種穀必雜五種 曰稼稼猶種也收斂曰播稽猶收也古今之言云耳 狗風母失其時女修蠶織則五十可以衣帛七十 凹 可

三人婦人 をピリーという 中苗生葉以上稍耨隴草因潰其土以附苗根故其詩 ·代處故曰代田古法也后稷始剛田以二耜為耦廣 曰或芸或籽黍稷擬與芸除草也籽附根也言苗稍 重麥天也超過為搜栗都尉過能為代田一晦三剛 穀不書至於麥禾不成則書之以此見聖人於五穀最 者所以省費燎火同巧拙而合習俗董仲舒曰春秋他 尺曰明長終晦一 八同巷相從夜續女工 晦三剛 夫三百则而播種於 月得四十五 日必相 九 威 從 田川

超澤故平都令光教過以人輓犂過奏光以為丞教 父老善田者受田器學耕稼養苗狀民或若少牛亡以 盛也其耕耘下種田器皆有便巧率十二夫為田 巧奴與從事為作田器二十石遣令長三老力田及里 每縣輛附根比威暑隴盡而根深能風與旱故凝疑而 屋故晦五項用耦犂二牛三人一歲之次常過緩田 與農輓草率多人者田日三十畝少者十三晦以故 解以上善者倍之過使教田太常三輔大農置功

金グロカイラ

致定四庫全書 一 子貢曰有械於此一 整陸而入井抱甕而出灌捐捐然用力甚多而見功寡 勞田晦 子貢南遊於楚反於晉遇漢陰見一丈人方將為圃畦 延城是後邊城河東弘農三輔太常民皆便代田用力 少而得穀多 田多墾關過試以離宫卒田其宮壖地課得穀皆多其 漢陰丈人為圃 解以上令命家田三輔公田又教邊郡及居 日浸百畦用力甚寡而見功多夫 · 稗 g編 莊 周

之徒也為圓者口子非夫博學以擬聖于于以盖衆獨 聯然慙俯而不對有間為圃者曰子奚為者耶曰孔丘 色而笑曰吾聞之吾師有機械者必有機事有機事者 子不欲乎為風者如而視之曰奈何曰鑿太為機後重 **弦泉歌以賣名於天下者乎汝方將忘汝神氣墮汝形** 必有機心機心存於胸中則純白不備則神生不定神 前輕望水者抽數如決湯其名為桔槹為圃者忿然作 生不定者道之所不載也吾非不知羞而不為也子貢

発予淳備哉功利機巧必忘夫人之心若夫人者非 致定四軍全書 全神全者聖人之道也託生與民並行而不知其所之 失色終日不自反耶曰始吾以為天下一人耳不知復 後愈其弟子曰向之人何為者耶夫子何故見之變容 骸而庶幾乎而身之不能治而何暇治天下乎子往矣 人之道今徒不然執道者德全德全者形全形全者神 有夫人也吾夫子事求可功求成用力少見功多者聖 無乏吾事子貢里阻失色項項然不自得行三十里而 ·押)桶

神以遊 孔子孔子曰彼假修渾沌氏之術者也識其 損馬是謂全德之人哉我之謂風波之民反於魯以告 きりて 治其内而不治其外夫明白入素無為復 不之非其心不為雖以天下譽之 何足以識之哉 世 種 俗之間者汝將固驚耶且渾沌氏之術子 非之失其所謂償然不受天下之非譽無 树 郭素驅傳 卷四 十六 得其所謂警然 柳宗元 體性 不知 其 拍 光四

素脆云其鄉曰豐樂鄉在長安西馳業種樹凡長安豪 平其土欲故其築欲密既然己勿動勿慮去不復顧 能如也有問之對曰橐馳非能使大壽且孳也以能 移徙無不活且碩茂蚤實以蕃他植者雖窺伺傚慕莫 家富人為觀游及賣果者皆争迎取養視驗所種樹或 郭橐馳不知始何名病僕隆然伏行有類素馳者故 木之天以致其性馬爾凡植木之性其本欲舒其培 大三日屋 公司 號曰縣縣聞之曰甚善名我固當因捨其名亦自謂 鄉 順

憂之太勤旦視而暮撫已去而復顧甚者爪其膚以驗 時也若子其置也若棄則其天者全而其性得矣故吾! 之也若不過馬則不及茍有能反是者則又愛之太恩 非有能蚤而蕃之也他植者則不然根拳而土易其培 愛之其實害之雖曰憂之其實讎之故不我 若也吾又 不害其長而已非有能碩而茂之也不抑耗其實而 其生枯搖其本以觀其缺密而木之性日以離矣雖曰 何能為哉問者曰以子之道移之官理可乎聽曰我知

金 为四月全書

岩甚憐焉而卒以禍旦暮吏來而呼曰官命從爾耕勗 種树而已理非吾業也然吾居鄉見長人者好煩其令 養人術傳其事以為官戒也 吞業者其亦有類乎問者喜曰不亦善夫吾問養树得 鳴鼓而聚之擊木而召之吾小人輟飧饔以勞吏者且 欠らりるという 不得暇又何以蓄吾生安吾性即故病且怠若是則與 爾植督爾穫蚤綠而緒蚤織而縷字而幼孩遂而雞 相牛經 稗編

金分四月月 欲得 雋骨欲得垂 頭欲得萬百體欲得緊垂星欲得有怒 尾者 力性欲得大而成當車懸 岐胡壽 **脹貫瞳子行最快頭骨長且大壁堂欲得闊** 有 如縱馬 雙 筋 洞 頸 Ė 下 胡 陽鹽欲得廣 去馬 無壽 分 得 中 也驟 為 兩 下關株欲得大 三眼去角近行駛 珠淵 雨 膺庭欲得廣胸天關欲得成 無毒 四 十六 蹄 陽 前两康 欲得 人提豐岳欲得上 如 Đ 尾 眼 八字陰虹 肉 欲得大眼中 常有聲似鳴者 池 蹄 有亂毛妨主 蹄 間 上 屬 間脚 名 背 骨 肉 頸 愁

炎色四草公野 齊為鸱夷子皮在西戎為亦精子在越為范蠡有諸曰 **堅角欲得細鼻如鏡則難牽口方易飴帶府方易飴水** E 朱公居陶齊威王聘朱公問之曰聞公在湖為漁父在 牛肚大尾青最有力 耐寒氣尾不用至地尾毛少骨多者有力膝上肉欲得 好跳豪筋欲得成就脚後横毛欲得短密若長球不 **业身欲得促形欲得如卷大賺踈肋難飴龍頭突** 養魚經 押編 范 蟊

枚二尺者萬枚直五千得錢一百二十五萬至明年 **驚則魚不復雅去在池中周遠九州無窮自謂江湖也** 法有五水畜第一水畜魚也以六畝地為池池中有九 至來年二月得魚長一尺者一萬五千枚三尺者五千 州求懷子鯉魚長三尺者二十頭牡鯉魚長三尺者四 有之曰公足住千萬家界億金何街乎朱公曰夫治生之 頭以二月上庚日内池中令水無聲魚必生至四月内 神守六月内二神守八月内三神守神守者驚也内

老子曰至治之極鄰國相望雞犬之聲相聞民各甘其 大日日日 公司 水六尺所以養鯉不相食易長不費也 得錢三十餘萬池中九州八谷谷上立水二尺谷中立 尺者十萬枚二尺者五萬枚三尺者五萬枚長四尺者 食美其服安其俗樂其業至老死不相往來必用此為 四萬枚留長二尺者二千枚作種所餘皆貨得錢五百 - 萬候至明年不可勝計也王乃于后苑治池一 貨殖傳 椰編 司馬選史記 五 年

整齊之最下者與之爭夫山西饒材竹穀爐在玉石山 務乾近世塗民耳目則幾無行矣 瑇瑁珠璣齒革龍門碣石北多馬牛羊旃裘筋角銅鐵 東多魚鹽漆絲聲色江南出柳梓薑桂金錫連丹砂犀 終不能化故善者因之其次利道之其次教誨之其次 以來耳目欲極聲色之好口欲窮獨奏之味身安逸樂 太史公曰夫神農以前吾不知已至若詩書所述虞夏 はだけにはる言 而心誇矜勢能之榮世俗之漸民久矣雖戶説以眇論

實絕虞不出則財匱少財匱少而上澤不辟矣此四者 書曰農不出則乏其食工不出則乏其事商不出則 自來不求而民出之豈非道之所符而自然之驗那 賤各勸其業樂其事者水之趨下日夜無休時不召而 則千里往往山出暴置此其大較也皆中國人民所喜 好謠俗被服飲食奉生送死之具也故待農而食之虞 次にり目とは 人各任其能竭其力以得所欲故物賤之徵貴貴之徵 而出之工而成之商而通之此寧有政教發徵期會哉 稗編 周

|富家貧富之道莫之奪予而巧者有餘扯者不足故太 技巧通魚鹽則人物歸之經至而輻輳故齊冠帶衣履 民所衣食之原也原大則饒原小則解上則富國下 威宣也故曰倉原實而知禮節衣食足而知榮辱禮牛 公望封于營丘地潟鹵人民寡于是太公勸其女功極 天下海岱之間飲袂而往朝馬其後齊中東管子修之 亦有三歸位在陪臣富于列國之者是以齊富强至于 輕重九府則桓公以霸九合諸侯一匡天下而管氏 则

鱼牙巴尼石量

一音者越王勾踐困于會稽之上刀用范蠡計然計然曰 |之君尚猶患貧而况匹夫編户之民乎 得勢益彰失勢則客無所之以而不樂夷狄益甚諺曰 淵深而魚生之山深而獸往之人富而仁義附馬富者 于有而廢于無故君子富好行其徳小人富以適其力 CALIFORNIA TOTAL 知鬭則修備時用則知物二者形則萬貨之情可得而 利來天下攘攘皆為利往夫干乗之王萬家之僕百室 **干金之子不死于市此非空言也故曰天下熙熙皆為** 狎編 主

農九十病末末病則財不出農病則草不辟矣上不過 國之道也積著之理務完物無息幣以物相貿易腐敗 物之理也六歲穰六歲旱十二歲一大飢夫糶二十病 觀已故歲在金穰水毀木飢火旱旱則資舟水則資車 而食之貨勿留無敢居貴論其有餘不足則知貴賤貴 財幣欲其行如流水修之十年國富厚賂戰士士赴矢 |極則反賤賤下極則反貴貴出如糞土賤取如珠玉 下不過三十則農末俱利平難齊物開市不乏治

金好四周至書

卷四

也後年衰老而聽子孫子孫修業而息之遂至巨萬故 火江口里 公前 致千金再分散與貧交疏昆弟此所謂富好行其徳者 之中諸侯四通貨物所交易也乃治産積居與時逐而 易姓適齊為鴟夷子皮之陶為朱公朱公以為陶天下 意既已施于國吾欲用之家乃乘扁舟浮于江湖變名 不責于人故善治生者能擇人而任時十九年之中三 會稽之耻乃喟然而戴曰計然之策七越用其五而得 石如沿得飲遂報强吳觀兵中國稱號五霸范蟊既雪 卵編

七十子之徒賜最為饒益原憲不厭糟糠匿于窮巷子 金石巴人名言 貢結腳連騎東帛之幣以聘專諸侯所至國君無不分 子貢既學于仲尼退而任于衛廢著鬻財于曹魯之間 時變故人棄我取人取我與夫歲孰取穀予之絲漆璽 也此所謂得勢而益彰者乎 庭與之抗禮夫使孔子名布揚于天下者子貢先後之 白圭周人也當魏文侯時李克粉盡地力而白圭樂觀 言富者皆稱陶朱公 巷凹

次上日日 公生 是也是故其智不足與權變勇不足以決斷仁不能 言治生祖白圭白圭其有所試矣能試有所長非茍而 取子强不能有所守雖欲學吾術終不告之矣盖天下 故曰吾治生産猶伊尹吕尚之謀孫吴用兵商鞅行法 欲節衣服與用事僮僕同苦樂趣時若猛獸擊鳥之發 率歲倍欲長錢取下穀長石斗取上種能薄飲食忍嗜 美至西穰明歲衰惡至子大旱明歲美有水至卯積著 出取帛絮與之食太陰在卯穰明歲衰惡至午旱明歲 仰編

衙 倮鄙人 巴也 見侵犯秦始皇帝以為貞婦而客之為築女懷清臺夫 其利數世家亦不訾清寡婦也能守其業用財自衛 君以時與列臣朝請而巴蜀寡婦清其先得丹穴而 倍其價與之畜畜至用谷量馬牛秦始皇帝令倮比 烏氏保畜牧及衆斥賣求奇繒物問獻遺戎王戎王什 **金児でたるで** 頓用監鹽起而邯鄲郭縱以鐵冶成業與王者将富 (牧長清窮鄉寡婦禮抗萬乘名顯天下豈非以 四十 擅 封

富耶 · 買獻孝公徒樂邑樂邑北卻戎程東通三晉亦多大賈 穀地重重為那及秦文孝終居雅隙職蜀之貨物而多 虞夏之貢以為上田而公劉適郊太王王李在岐文王 族于京師關中自汗雅以東至河華膏穰沃野千里自 流天下交易之物莫不通得其所欲而徒豪傑諸侯强 漢與海内為一 作豐武王治鎬故其民猶有先王之遺風好稼穑殖五 開關梁弛山澤之禁是以富商大賈周

The state of the s

押編

Ŧ

|武昭治咸陽因以漢都長安諸陵四方輻輳並至而會 かいたとうと 沃野地饒巵薑丹沙石銅鐵竹木之器南御滇爽僰僮 地小人衆故其民益玩巧而事末也南則巴蜀巴蜀亦 斜館數其口以所多易所鮮天水隴西北地上郡與關 饒然地亦窮險唯京師要其道故關中之地于天下 中同俗然西有差中之利此有戎翟之畜畜收為天下 西近印管管馬旄牛然四塞棧道千里無所不通唯褒 而人眾不過什三然量其富什居其六昔唐人

人口里 / 楊平陽陳樣其間得所欲温軹西賈上黨北賈趙中 患其慓悍而武靈王益厲之其謠俗猶有趙之風也故 慎忮好氣任俠為姦不事農商然迫近北夷師旅亟往 賈春程北賈種代種代石北也地邊胡數被冠人民於 若鼎足王者所更居也建國各數百千歲土地小狹民 都河東殷人都河内周人都河南夫三河在天下之中 中國委輸時有竒羨其民羯羰不均自全晉之時固尸 人衆都國諸侯所聚會故其俗纖儉習事楊平陽陳西 Ī

中山地薄人衆猶有沙丘紂淫地餘民民俗懷急仰機 燕亦勃碣之間 北通燕涿南有鄭衛鄭衛俗與趙相類然近梁會做重 媚贵富入後官徧諸侯然邯鄲亦漳河之間一 掘塚作巧姦冶多美物為倡優女子則鼓鳴瑟跕屣游 利而食丈夫相聚游戲悲歌慷慨起則相隨椎剽休則 遼東地路逐人民希數被冠大與趙代俗相類而民刃 矜節濮上之 邑徒野王野王好氣任俠衛之風也夫 都會也南通齊趙東北邊胡上谷至 都會也

金月四月有是

头定四草全雪 一 無林澤之饒地小人衆儉嗇畏罪遠那及其衰好賈趨 周公遺風俗好儒備于禮故其民齪齪頗有桑麻之業 劫人者大國之風也其中具五民而鄒魯濱珠四猶有 悍少處有魚鹽棗栗之饒北鄰烏桓夫餘東館穢務朝 而足智好議論地重難動搖怯于衆勵勇于持刺故多 魯其陰則齊齊帶山海膏壤千里宜桑麻人民多文綠 鮮真番之利洛陽東賈齊魯南賈梁楚故泰山之陽則 布帛魚鹽臨淄亦海岱之間一都會也其俗寬緩闊達 押編 =

苦彭城以東東海吳廣陵此東楚也其俗類徐僮朐網 利甚于周人夫自鴻溝以東芒陽以北屬巨野此梁宋 山川之饒能惡衣食致其蓄藏越楚則有三俗夫自淮 止于亳其俗猶有先王遺風重厚多君子好稼穡雖 也陶睢陽亦一都會也昔堯作游成陽舜漁于雷澤湯 夏之交通魚鹽之貨其民多賈徐僮取慮則清刻矜 于積聚江陵故郢都西通巫巴東有雲夢之饒陳在楚 沛陳汝南南郡此西楚也其俗剽輕易發怒地薄寡

グロ

1: 7:1

卷四

The series of the series 是南楚也其俗大類西楚郢之後徒毒春亦一都會也 更費九疑答梧以南至儋耳者與江南大同俗而楊越 章出黄金長沙出連錫然董董物之所有取之不足以 故南楚好解巧說少信江南甲濕丈夫早天多竹木豫 而合肥受南北潮皮革鮑木輸會也與閩中于越雜俗

以北俗則齊浙江南則越夫吴自闔廬春申王濞三人

五湖之利亦江東一都會也衡山九江江南豫章長沙

招致天下之喜游子弟東有海鹽之饒章山之銅三江

所多人民謠俗山東食海鹽山西食鹽鹵領南沙北固 **贾其任俠交通顏川故至今謂之夏人夫天下物所** 關郎關東南受漢江淮宛亦 羹魚或火耕而水耨果隋嬴蛤不待賈而足地勢饒食 顏川南陽夏人之居也夏人政尚忠朴猶有先王之遺 往出鹽大體如此矣總之楚越之地地廣人 類川敦厚春末世遷不軌之民于南陽南陽西通武 都會也俗雜好事業多

多馬番馬亦其一

都會也珠璣犀瑇瑁果布之湊

|歸乎歸于富厚也是以康吏久久更富廉賈歸富富者 梁魯好農而重民三河宛陳亦然加以商賈齊趙設智 桑麻六畜地小人衆數被水旱之害民好蓄藏故秦夏 |以南無凍餓之人亦無千金之家沂泗水以北宜五穀 火江口目 /its ▼ 巧仰機利燕代田畜而事蠶由此觀之賢人深謀于廟 **廊論議朝廷守信死節隱居嚴穴之士設為名高者安** 人之情性所不學而俱欲者也故壯士在軍攻城先登 郯編 古

無饑饉之患以故呰窳偷生無積聚而多貧是故江淮

任俠并兼借交報仇篡逐幽隱不避法禁走死地如鶩 賞使也其在問卷少年攻剽推理劫人作姦掘塚鑄幣 金与巴屋台書 長秧躡利屣目挑心招出不遠千里不擇老少者奔富 陷陳却敵斬將搴旗前蒙矢石不避湯火之難者為重 獵犯晨夜冒霜雪馳院谷不避猛獸之害為得味也博 者其實皆為財用耳今夫趙女鄭姬設形容換鳴琴榆 戲馳逐鬭雞走狗作色相矜必争勝者重失負也醫方 厚也游閒公子飾冠劒連車騎亦為富貴容也弋射漁 卷四十六

欠三り目ときつ! 租稅歲率户二百千户之君則二十萬朝覲聘事出其 扶禄之奉爵邑之入而樂與之比者命曰素封封者食 歲樹之以木百歲來之以德德者人物之謂也今有無 固求富益貨也此有知盡能索耳終不餘力而讓財矣 章偽書不避刀銘之誅者没于賂遺也農工商賈畜長 諸食技術之人焦神極能為重精也吏士舞文弄法刻 中庶民農工商賈率亦歲萬息二十户百萬之家則二 諺曰百里不販樵十里不販雅居之一處種之以穀十 狎编 孟

帶郭千畝畝鍾之田若千畝巵茜千畦薑韭此其人皆 漢江陵干樹橘淮北常山巳南河濟之間干樹萩陳夏 千石魚陂山居千章之材安邑干树棗燕秦千树栗蜀 陸地投馬二百蹄牛蹄角千千足羊澤中干足風水居 十萬而更徭租賦出其中衣食之欲恣所好美矣故曰 而待收身有處士之義而取給馬若至家貧親老妻子 與千户侯等然是富給之資也不窺市井不行異邑坐 干畝漆齊魯干畝桑麻渭川干畝竹及名國萬家之城

金为世居有量

卷四十六

文不如倚市門此言末業貧者之資也通邑大都酤一 アンコーション 時此其大經也今治生不待危身取給則賢人勉馬是 軟弱歲時無以祭祀進醵飲食被服不足以自通如此 則僕物之理也夫用貧求富農不如工工不如商刺繡 凡編户之民富相什則卑下之伯則畏憚之千則役萬 長貧賤好語仁義亦足羞也 故本富為上末富次之姦富最下無巖處奇士之行而 不慙耻則無所比矣是以無財作力少有關智既饒爭, 卵編

質金錢干貫節與會貪買三之康賈五之此亦比干乘 豪干車船長干丈木干章竹竿萬个其鹎車百乘牛車 金万里人人 馬蹄跟干牛干足羊風干雙僮手指干筋角丹沙千斤 千兩木器髮者干枚銅器干釣素木鐵器若巵茜千石 **麵頭升統船當千斤無干石鮑干鈞棗栗千石者三** 其帛絮細布干鈞文來干匹搨布皮革干石漆干斗蘗 千釀醯醬干塊漿干甔屠牛羊風干皮販穀糶千鍾薪 人 能裹干皮羔羊裹干石旃席干具作果菜干種子 基四十六

次上日本人生 蜀卓氏之先趙人也用鐵冶富秦破趙遷卓氏卓氏見 當世千里之中賢人所以富者令後世得以觀擇馬 人田池射獵之樂擬于人君 臨邛大喜即鐵山鼓鑄運籌策傾滇蜀之民富至僮干 野下有蹲與至死不饑民工于市易買乃求遠遷致之 求近處處葭崩唯卓氏曰此地狹溝吾聞汶山之下沃 **虜略獨夫妻推輦行詣遷處諸遷虜少有餘財爭與吏** 之家其大率也作雜業不中什二則非吾財也請畧道 **郝**

臨即 大鼓鑄規陂池連車騎游諸侯因通商買之利有游閒 死孔氏之光深人也用鐵冶為業秦伐魏遷孔氏南陽 程鄭山東遷虜也亦冶鑄賈推髻之民富将卓氏俱居 氏尤甚以鐵冶起富至巨萬然家自父兄子孫約侥有 金故南陽行賈盡法乳氏之雍容魯人俗儉嗇而曹邴 公子之賜與名然其贏得過當愈于纖嗇家致富數千 仰有取賞貸行賈徧郡國鄒魯以其故多去文學而

白りでんとう

四四

读定四車全對 超利者以曹那氏也 能使豪奴自饒而盡其力周人既織而師史尤甚轉毂 齊俗賤奴虜而刀間獨爱貴之桀點奴人之所患也 愈益任之終得其力起富數千萬故曰寧爵毋刁言其 師史能致七千萬 間收取使之逐魚鹽商賈之利或連車騎交守相 百数賈郡國無所不至洛陽街居在齊秦楚趙之中 (學事富家相矜以久賈數過邑不入門設任此等 -神 支 唯

|宣曲任氏之先為督道倉吏泰之敗也豪傑皆爭取 自罗里 獨取贵善富者數世然任公家約非田畜所出弗衣食 奢侈而任氏折節為儉力田畜田畜人爭取賤賈任氏 石至萬而豪傑金玉盡歸任氏任氏以此起富富人事 玉而任氏獨害倉栗楚漢相距榮陽也民不得耕種米 公事不畢則身不得飲酒食肉以此為問里率故富而 頭栗以萬鍾計吳楚七國兵起時長安中列侯封君 主上重之塞之斥也唯橋姚已致馬干匹牛倍之羊萬 땓 金

致定四庫全書 I 吴楚平一歲之中則無鹽氏之息什倍用此富将關中 |從軍旅齎貸子錢子錢家以為侯邑國在關東關東成 也若至力農畜工虞商買為權利以成富大者傾郡中 杜杜氏亦巨萬此其章章尤異者也皆非有爵邑奉禄 敗未决莫肯與唯無鹽氏出梢干金貸其息什之三月 致財用本守之以武一切用文持之變化有概故足術 **美法犯姦而富盡椎埋去就與時俯仰獲其贏利以末** 關中富商大賈大抵盡諸田田嗇田闌章家栗氏安陵 と稗 日編 7

食胃脯簡微耳濁氏連騎馬醫淺方張里擊鐘此皆誠 行賈丈夫賤行也而雍樂成以饒販脂辱處也而雍伯 掘冢姦事也而曲叔以起博戲惡業也而桓發用之富 千金賣漿小業也而張氏千萬酒削薄技也而郅氏鼎 者傾縣下者傾鄉里者不可勝數夫纖鲁筋力治生之 正道也而富者必用奇勝田農拙業而泰陽以盖一 不肖者瓦解干金之家比一都之君巨萬者乃與王者 之所致由是觀之富無經業則貨無常主能者輻輳

跃定四車全書 ! 以得彼之情則知者不言言者不知而世追識之哉桓 視而可見者形與色也聰而可聞者名與聲也悲夫世 意也意有所隨意之所隨者不可以言傳也而世因貴 言傳書世雖貴之哉猶不足貴也為其貴非其貴也故 世之所貴道者書也書不過語語有貴也語之所貴者 同樂豈所謂素封者耶非也 (以形色名聲鳥足以得彼之情夫形色名聲果不足 輪扁斷輪 . 稗 周 Ŧ 後同

TARREST TO SEC. 日 則苦而不入不徐不疾得之於手而應於心口不能言 在乎公曰巳死矣曰然則君之所讀者古人之糟魄 之於臣是以行年七十而老斷輪古之人與其不 有数存於其間臣不能以喻臣之子臣之子亦不能受 公讀書於堂上輪扁斷輪於堂下釋推鑿而上問桓 輪扁曰臣也以臣之事觀之斷輪徐則甘而不固疾 敢問公之所讀為何言耶公曰聖人之言也曰聖 桓公曰寡人讀書輪人安得議乎有說則可無說則 可

梓慶削木為銀旗無 也 死矣然則君之所讀者古人之糟魄已夫 梓慶削鎼 鐘錄成見者驚猶思神會候見而

軌然忘吾有四肢形體也當是時也無公朝其巧專 而不敢懷慶賞爵禄齊五日不敢懷非譽巧扯齊七 問馬曰子何術以為馬對曰臣工人何術之有雖然有 馬臣將為錄未當敢以耗氣也必齊以静心齊三 Ð Ð

灰定四年全十二

外骨消然後入山林觀天性形軀至矣然後成見鑢

Ī

善度材視棟宇之制髙深圓方短長之宜吾指使而羣 裴封叔之第在光德里有梓人敖其門願傭隟宇而處 是與 後加手馬不然則已則以天合天器之所以疑神者其 工役馬捨我衆莫能就一宇故食於官府吾受禄三倍 馬所職尋引規矩繩墨家不居壟斷之器問其能曰吾 於私家吾收其直太半馬他日入其室其牀闕足而 梓人傳 卷四 柳宗元

飯定四車全書 毫釐而構大厦無進退馬既成書于上棟曰基年其月 者奔而右顧而指曰鋸彼執鋸者趨而左俄而斤者斷 中處馬量棟宇之任視木之能舉揮其杖曰斧彼執斧 執斧斤或執刀鋸皆環立嚮之梓人左持引右執杖而 者其後京兆尹將飾官署余往過馬委羣材會衆工或 不能理日将求他工余甚笑之謂其無能而貪禄皆貨 而退之亦莫敢愠焉畫宮於堵盈尺而曲盡其制計其 刀者削好視其色俟其言莫敢自斷者其不勝任者怒 、稗) 編 Ť

|職判而為百役外簿四海有方伯連帥郡有守邑有字 |為佐天子相天下法矣物莫近乎此也彼為天下者本 人彼其勞心者數能者用而智者謀彼其智者數是足 心智而能知體要者敷吾聞勞心者役人勞力者役於 上為中士為上士又其上為大夫為卿為公離而為六 於人其執役者為徒隸為鄉師里胥其上為下士又其 然後知其術之工大矣繼而嘆曰彼將捨其手藝專其 日某建則某姓字也凡執用之工不在列余園視大駭

卷匹

/ STATE TOWN 者退而休之亦莫敢愠不街能不矜名不親小勞不侵 畫官於堵而績于成也能者進而用之使無所德不 視國知天下其遠邇細大可手據其圖而完馬猶梓 使稱其職居天下之人使安其業視都知野視野知 舉而加高指而使馬條其紀綱而盈縮馬齊其法制而 |頓馬猶梓人之有規矩絕墨以定制也擇天下之士 猶衆工之各有執伎以食力也彼佐天子相天下者 國

皆有佐政其下有晋吏又其下皆有嗇夫版尹以就

· 教用者不列也大哉相乎通是道者所謂相而已矣其 小勞侵衆官竊取六職百役之事听听於府庭而遺其 跡而慕曰彼相之才也士或談殷周之理者曰伊傅 萬國既理天下舉首而望曰吾相之功也後之人循 不知體要者反此以恪謹為公簿書為尊街能矜名親 名其百執事之勤勞而不得紀馬猶梓人自名其功而 工而不伐藝也夫然後相道得而萬國理矣相道既得 其 周

金好四人母全書

卷四

衆官日與天下之英才討論其大經猶梓人之善運衆

及主四年在書 一 **地彼將樂去固而就地也則卷其術點其智悠爾而去** 之處奪其世守而道謀是用雖不能成功豈其罪耶亦 之曲直規矩之方員尋引之短長姑奪衆工之斧斤刀 在任之而已余曰不然夫繩墨誠陳規矩誠設高者不 鋸以佐其藝又不能備其工以至敗績用而無所成也 可抑而下也狹者不可張而廣也由我則固不由我則 不亦繆敷或曰彼主為室者倘或發其私智牽制梓人 押編 Ē

大者遠者馬所謂不通是道者也猶梓人而不知絕墨

也喪其制量屈而不能守也棟撓屋壞則曰非我罪也 衡者中水鄭司農注云治材居材如此乃善也 不屈吾道是誠良梓人耳其或嗜其貨利忍而不能拾 子墨子言曰天下從事者不可以無法儀雖至百工從 方圓平直周官考工記園者中規方者中矩立者中 人盖古之審曲面勢者今謂之都料匠云 可乎哉可乎哉余謂梓人之道類於相故書而藏之梓 **營造法式** 卷四 誠 墨子

者謂之方園也 出於園方園出於方方出於矩矩出於九九八十一萬 文心写与公与 為園或破園而為方方中為園者謂之園方園中為方 物周事而園方用馬大匠造制而規矩設馬或毀方而 之不巧者雖不能中依故以從事猶愈於已 水正以垂無巧工不巧工皆以此五者為法巧者能中 經昔者周公問於商高曰數安從出商高曰數之法 韓子曰無規矩之法絕墨之端雖班 周 髀算

事者亦皆有法百工為方以矩為園以規直以絕衡以

亦用規矩 浪羡 横者定水取平 取 多じていたとろう 取徑圍九章舞經李淳風注云舊術求園皆以周三 亦不能成方圛 如 園者以規方者以矩直者抨繩取則立者垂繩取 猶 尺延 八稜之類及歌斜美禮 率若用之求園周之 而也 廣以 取法今謹按周官考工記等修立 狹善 高切 其 看詳諸作制度皆以園方直平為 P其角也路下果大多史記索隱云路, 凹 圖 則周少而徑多徑一 云 美 之為 切謂度不 俗狹也園 下條 作長鄭 隋而司 ₹ 貌 非方農 周 壁 云美 徑 諸 正 去

| 次に日本とき | 同 **等經及約斜長等密率修立下係諸徑圍斜長依下項** 七乘周二十二而一即徑以二十二乘徑七而一即周 以圍三徑一方五斜七為據則踈略頗多今謹按九章 如點量大小須於周內求徑或于徑內求周若用舊例 理非精密盖術從簡要略舉大綱而言之今依密率以 看詳今來諸工作已造之物及制度以周徑為則者 **園徑七其圍二十有二** 稜徑六十每面二十有五其斜六十有五六稜 辨編 方一百其斜一百四十有 麦

徑八十有七每面五十其斜一百園徑內取方一百中 自りに 取正詩定之方中又揆之以日注云定營室也方中昏 得七十有一方内取園徑一得一 極以正南北周禮天官惟王建國辨方正位 置熟以垂視以景為規識日出之景與日入之景夜考 正四方也按度也度日出日入以知東西南視定北準 至日入既則為規測景兩端之内規之規之交乃審也 之極星以正朝夕鄭司農註云自日出而畫其景端以 卷 四 十六 一取國华此一八枝六枝 考工記

當心立表高四寸徑一分畫表景之端記日中最短之 を 10日 Litis 景次施望筒于其上望日星以正四方 而然後立表測景望星以正四方正與經傳相合 者也極星謂北辰 繩視正為插 度兩交之間中屈之以指熱則南北正日中之景最短 正之制先于基址中央日内置圜版徑一尺三寸六分 動垂泉望也 看詳今來凡有與造既以水平定地平 刊認證俗音字令山東匠人猶言垂 管子夫絕扶掇以為正 押編 望筒長 Ī 字林植 取

三寸安于池阪之上其池阪長一丈三尺中廣一 勢偏衰既以景表望筒取正四方或有可疑處則更以 絕墜下記望筒兩竅心於地以為南則四方正 北于简南望今前後兩竅內正見北辰極星然後各垂 三寸厚二寸書望以筒指南今日景透北夜望以筒指 壁用軸安於兩立頰之内其立頰自軸至地萬三尺廣 金与正人名言 八寸方三十品版兩卷頭開園眼徑五分筒身當中 水池景表較之其立表高八尺廣八寸厚四寸上齊每 卷四 岩地 兩

線 定平周官考工記匠人建國水地以垂鄭司農注云於 版所指及立表心為南則四方正安 周廣深各八分用水定平今日景兩邊不出則線以 地 四角立植而垂以水望其髙下髙下既定乃為位而平 尺之内隨表之廣刻線兩道一尺之外開水道環四 内向池阪處用長三尺冬至長 以為平 莊子水静則平中準大匠取法馬 尚書大傳非水無以準萬里之平 曲 曲尺較 令方正一丈三尺其立 在置 北其景夏至一令立表在南 管子夫準 麦 池 順池

|強定匹庫全書 名水準也平準物也 水平也 固萬變之不窮雠天地以開基並列宿而作制制無細 而不協於規景作無微而不違於水泉五臣注云水泉 當心安水平其水平長二尺四寸廣二寸五分高二寸 所立之柱定地平面然後可以安置柱石正與經傳 下施立椿長四尺 定平之制既正四方據其位置於四角各立一 看詳今來凡有與建須先以水平望基四角 在安镇 卷四十六 上面横坐水平两頭各開池方 何晏景福殿賦惟工匠之多端

各五分令水通過於兩頭池子內各用水浮子一枚 於表身內畫記即知地之高下若槽 とこりま 四寸厚二寸五分當心上立表髙四尺 寸七分深一寸三分或中心更開身內開槽子廣 在破取平須更用貞尺較之其貞尺長 亦用三枚方一寸五分高一寸二分刻上頭令側薄者水浮子方一寸五分高一寸二分刻上頭令側薄 水道 一分浮於池内望兩頭水浮子之首遙對立表處 同其槽底與墨線兩邊用曲尺上垂 絕堡下令絕對墨線心則 1:4: 椰編 同上於立表 如有不可用 槽自平 子當心 方 正 施

金万四月全書 舉折周官考工記匠人為溝洫葺屋三分瓦屋四分鄭 其下地面自平其真尺 心自上至下施墨線 文公宋祁筆録今造屋有曲折者謂之庸峻齊魏間以 司農注云各分其修以其一為峻 有儀矩可喜者謂之庸峭盖庸峻也 切必 來舉屋制度以前後 狐 刊謬證俗音字脯今猶言脯峻也 表四 道垂繩墜下令繩對墨線心 亦用曲尺較今方 撩檐方心相去遠近分為四分 通俗文屋上平曰 舉今 捐之 上墨 正 皇朝景 看詳 則

大江日里上日生 相去遠近分為三分此者則用前後擔柱心從撩擔方 **毫為蹩側畫所建之屋於平正壁上定其舉之峻慢** 與應堂及廊屋之類略有增加大抵皆以四分舉 自擦擔方背上至脊搏背上四分中舉起一分雖殿 折之制先以尺為丈以寸為尺以分為寸以氂為分以 祖正與經傳相合今謹按周官考工記修立下條 國和然後可見屋内梁柱之萬下卯眼之遠近将 觓 草然舉屋之法如殿閣樓臺先量前後撩檐方心 భ編編 点 閣 折

背至脊轉背樂起一 屋之數每一尺加三分程腰並二分中舉一分 金げていたという 屋之法以舉萬尺丈每尺折一寸每架自上追減半為 檐方背於第二縫折一 分若瓶瓦廊屋及及瓦廳堂每一 四分中舉起一分又通以四分所得丈尺每一尺加八 其上第一 如樂高二丈即先從脊轉背上取平下屋撩擔方背 維折二尺又從上第一 分與起一丈之 尺岩椽數多即逐縫取平皆下 一丈之類如瓶瓦廳堂即深三丈即如瓶瓦廳堂即 維轉背取平下至撩 尺加五分或超瓦廊

アニコロ 日 かかっ 舉分盡處其簽角 簇角梁之法用三折先從大角背自檢擔方心量向 至根桿卯心取大角梁背一半站上折簇梁斜向樣 至上簇角梁即两分中舉一分名序棚只用題及者 不匀即約度遠近隨宜加減以春轉及旅 角關尖事樹自檢糖方背樂至角梁底五分中舉 撩擔方計每経並減上終之半 分之類 縫二寸 如取平皆從轉心抨繩令緊為則如架 梁上下並出次從上 梁 如第一缝二尺 尺第三缝五寸 一折簇梁畫處量 若八角或四 里

同折屋之制唯量折以曲尺 折簽梁當心近下今中 六月七月為長功以二月三月八月九月為中功以十 簽梁當心之下又次從檢擔方心立下折簽梁斜向中 至橑檐方心取大角梁背一半立中折簇梁斜向上 六十刻者冬至日短有止於四十刻者若一 功唐六典凡役有輕重功有短長注云以四月五月 月十二 月正月為短功 折簇 柩瓦 於紅上 角梁上 者 半之 看詳夏至日長有至 同 長同 ~半與其折分並 等定功

金月正是有量

人のりもいたり 言之其將通數一 則問于廟兩柱之中于義易曉後人記屋室以若干 在棄日刻甚多今謹按唐六典修立下條 屋楹數王盈孫傳僖宗還議立太廟盈孫議曰故廟 此無辨者據盈孫此議則以柱之一列為一 室二十三楹楹十一 中功以十分為率長功加一 兩柱之間矣然極者柱也自其真廟之所而言兩極 一柱為一 卵編 梁垣埔廣袤稱之禮記兩楹 一楹耶 分短功減一 抑以柱之 列為一 分 諸稱功者 里 楹也 知

為樣等若盈一丈 管舍之法謂之木經或云喻時所撰凡屋有三分 拱粮桶皆有定法謂之中分階級有峻平慢三等宫中 則 梁以上為上分地以上為中分階為下分凡梁長幾 金切口母白言 **飃法堂也此謂之上分楹若干尺則配堂基若干尺** 配極幾何以為樣等如梁長八尺配極三尺五寸 御輦為法凡自下而登前竿垂盡臂後竿展盡臂 木經 尺則階基四尺五寸之類以至永 卷四十六 沈 括 聲 則 何 自

D 輦 後 語 前 工益為嚴善舊木經多不用未有人重為之 こよう 業也 長 **肩為平道此之為下分其書三卷近歲** 前 日 卵碱 前军平肘後军平 狻 後日本前 肩為慢道 里 後條 前 曰义

1	 		` 	
稗編卷四十六				3
六				
				老四十六
			,	

主事臣祁胡士覆勘 鲅

總校官中書臣朱 校對官檢討臣郭 謄録 监土臣到

寅 拫 鈴

的复数经际 医多克克霉 おける古代はない うごだ をま IJ, 由考シ 唐順 屈 轨貌 冥略曹闍 原 識陰 楚 形陽 撰 辭 誰 重 眀

金灯叮匠 無安在何闔而晦何開而明角宿未旦曜靈也安藏 行幾里夜光何德死則又育厥利維何而顧莵射在 多有谁知其數天何所沓也合會何所十二馬分 日月安屬列星安陳出自湯谷次于蒙氾自明及晦所 岐無合女岐神女無 馬 泊 也鴻師何以尚之愈曰何憂何不課而行之 加八柱何當東南何虧九天之際安放安屬 也為龜曳街舱何聽馬免我 衷 夫馬取九子伯强鬼何處惠氣 四 合 而蘇 17 山為雅 治蘇 隅 腹 喂

拯 在 欠已り長さい 成 纂就前緒遂成者功何續初繼業而 故東 折 羽 水 康 禹 何以實 順 徑 欲成功帝 治 羽鮫 西 回 束 핡 名共工 南北其修孰多南北順廣妥其行幾 山囚 維 水 當 海 夫 時有龍 傾絶 决 填 憑 一而改之地 何三年不施施刑伯禹復愈 驰 者 币 怒墨何故以東南傾共工 何刑馬威 国 九 州安錯川谷何洿東流 而以治尾 維編 カカ 重 之河海何歷越何所皆禹 其設 則何以墳之應龍何畫 堯順 何象 故人 厥謀不 戮之 怒與 之欲 不溢 而永遏 何良 同洪 何 颟 栭 バス 孰 觸帝 知 何 不戰

趾三危安在延年不死壽何所止鮫魚 何氣通馬日安不到燭龍何服義和御之未揚若華何 南 身 其華 身九 頭速岩 電光何户 忽電光也有雄虺何斤 安居靈蛇吞象 言崑 頭速岩 下之 脱光 出無角日此負熊以遊雄也九首條忽馬在 西 里 其 地華 颠兆 何所冬暖何所夏寒馬有石林何獸能 與天通四方之門其谁從馬西北關啓 **山海經** 氟 圃 象三年出其骨 其尻安在增城九重其高幾 南方有蛇 不死長人何守靡游九衢泉 厥大何 如黑水 鯪鯉 有 里

金号电差台量

+

たこうし 酉 鬿 能 Ð Ð 杨是達皆歸 而通 去 娶 P 钋 啓代益作后卒然離 死禹之 何味 地 於台桑関她匹合厥身 獸鬿 宇 也堆 力獻功 而快 髙 腷 陳 鼂 勤利 育 **5**1] 卋 降省下 同與 彈日鳥馬解 母 背 朝 下雨 無害 飽 生 快不 魚 帝 是 厥 與 列 躬 反 羽 何后益 淮 勤子屠母 南 同 Ħ 故嗜欲所 並 以欲立以 與 同 塗

活能 処水 金与四周至量 鮫 交神 化為黄熊 羿射 修盈 宓 子崔 膏 馮 崔 祭射 柜泰前鞋是答 交 鷩 珧 白 天封 **吞** 校 簡 以 蚬 名弓 河伯 覆 天豕 怪 利决 巫 色鲵 一一妻彼 何活 其 之似雲 农何 順內 交昇 浞 因能之 稀是 **通者有** 四 娶純 嬰 雒 堯進之 射 嬪 水為 吞射 狐 萬黃熊謀勇 莆 眇 民熊羽山 氏純 之而 獻然肉之膏而后 其日 女狐 其 左 甘 河 西 **b妻爰**謀 阻 地得於行 目伯 窮 羽越 羿 化 何 險 西 又白 由 淵 而於 征 夢龍 因 王 豈 嬰 何 嶞 與羿 子 巫 帝 羿 而所死 何 洛射

陵船戲菜 大江の町 颠 號 撰 隕 起 Literio 首 雨 可 遷 首 而 死 釋 呼 翳 ф, 以逢 此 水 起 雨 横天 身 法 形 飾 襲因 ιfiŋ 雨 韗 殺獵 體 離 澆 **澆**故 足 陽 脍 在户 陽 典之 BP 死從 大 行 ţ 何求於嫂 體 恊 何鳴夫 遷 疑 霻 列 셲 之仙 不能固臧 何 館 鼇 麂 康 Í 鼇 何 馬喪 同爰 Ρ'n L 日 有 膺

金月四月石量 者 一立為帝 頭 存 ャ 馬絲 鰥堯不姚告二女何 預見 蛇 化身 善 採遇 不危 國 人舟斟尋 萌 伐 言惡 惡 得 太 行 肽 蒙 敗吳獲远古 芽 伯 道 萬 犧終而 喜 山 璜臺十 匠之 民作 立八 妹喜何肆 奄康 岩滅 期去斯得 滅四 以卦 為修帝徳 親 古 服厥弟終然為害何 夏 斟 亶 厥萌在初何所意 父公 舟尋 知箕 湯何 南教是 必作瑶臺 何 熟道尚之女妈有 **承男子** 道 取之禁伐蒙山 **延馬舜閔在家** 伯 吴 男 枥 國 誰所 古 得 肆 古 字 億 極 亶 賢

飾 已四百 其 宜 終弊於有 也生 觀 澆典 該東季徳 玄鳥致貽女何喜 滅主 Ħ 5 以肥之 牛 有牛 扈羊 伊擎何條放致罰而黎伏大 烹 Ł 恒 扈 船后帝 收夫牛 遂 該 徳 '有扈收監云何而 故包 協時 是饗何承 天也 帝 佑言 舞何以懷 有扈 魯 遺 以能雅 謀夏桀終以滅喪帝 腹 枧 持 吉 國 逢擊狀 名 遺 簡 ì 契 常 說簡 舜 狄 有 **尚平肠** 侍 康 澆 Яþ 天能 狄在臺 先出 滅 腏 秉 後 喜 馬 持 夏 父是 而嚳 其 后 有 有 吞在 臧 相

ダビル ろうし 墓 棘負子 而後嗣逢 有 一管班禄一 雖 妲 鴟 言桀狗 毋 會量 何 萃 無 因 乞 夗 溺 眩弟並淫危害厥 長成湯東巡有辛爰 被小臣而言如是得水濱之木 湯 死 . 晉大 啼 化 朝 但 人負其子 取為 夫 何皋尤 還來昏微遵 養之夫 解 盟 空桑 居 不勝心伐帝 何惡之勝有幸之 R 聘 與 迹 淫 過 有 母 愈 辛 湯 其 墓 寧 而 氏巡 不 何 得 乞狩 胁

心晝 殺夜 親往 行之並 何逢彼白 何號於市 穆王巧梅夫 列擊村躬叔旦不嘉武 之吾故郡 下其位安施反成乃亡其罪伊何爭遣伐器 驅擊翼何以將之昭后成遊南土爰底厥 親云 雉 謠 **新周** 紂公 服 日 略王 利 鬲 是亡 周國 頭事也不喜武 於楚 貶 休息欲救日報付美甲日 何周流環理天 出 乎 游 越囊散 何親揆發定周之 周幽誰誅焉得夫 羣臣 王至盖津白魚 人沉 白雉 為 之昭王 昭王徳 休哉 死眷鳥羣雅 褒姒 命以咨 周 南 游 王 能 Ð 何 孰 利

金牙四月全書 逢長之伯昌號衰東鞭作牧何令徹彼岐社命有殷 臣 亂感何惡輔 醢 /藏就岐何能依殷有惑婦何所 側 何與之何馮弓挾矢武伐 伯受醢箕子佯狂稷維元子帝何篤之投之於永 传 西伯上告 何罰何怙齊桓九合卒然身殺彼王紂之躬孰 何 順而賜封之何聖人 **納讒諂是服比干何逆而抑沈之雷** 楊 伯 基四 王文 殊能將之 何親就上帝罰殷之 文祖己惠村受日 徳卒其異方 既驚帝切激 賜 **守異** 使 國 服方 何

大三日戸という 長中央共牧后 帝何饗事帝堯 擊後兹泉輔何卒官湯尊食宗緒敷闔夢生少離 集戰何所急伯林雉經維其何故 何壯武厲能流 懼皇天集命惟何戒之受禮天下又使至代之初 暑國 不救師望在肆昌何識鼓刀揚聲后何喜 親 文王喜戴·往問之對 何怒 布堯美味 厥嚴 嶼 曰 俱 闔 下 歸 廬 屠 也屠 勇 有岐 雉 1]-武發殺殷何所悒 武離 何感天抑地 首 能流亡 相之嚙蛇 其何威能 受毒永多夫 爭議城 也壯善多 吕 夫 望 鏗 在 載 何 誰 列鼓

金与世是白雪 改更我 帝何求伏匿穴處爰何云荆 邑處 鷩 凶 吳 何 へ出子 削 固 時 獲 女 解問 凪 曰 **尽** 歸 龍 何言吴 女 原 争 陳言我先, 采 条於境 諫 氽 於 何 百 遂 幕 兩卒. 光 鹿何祐 吕 回 爭 欲 水 œ 去 上 凾 朱 為 兄 穿奈 無禄溥暮雷電 埘 有噬犬弟何欲 北 子 相 云 余 傷 升 夭 至 直 是 回水萃 大 下 恐 = 家 師 昏雨 不 不雷 可 怒 何 何 歸 Ē 長 可 而 **暁思** 穿白 相 何 久 攻 通 也 扊 嚴 楚 讗 不 邑

運 糜身位無極之極漭彌非垠或形之加孰取大馬皇 對本始之茫誕者傅馬鴻靈鑑紛曷可言焉智呼 | 轅渾淪蒙八園號冥疑玄釐無功無作鳥傒聚維 妙往來也也魔昧单化惟元氣存而何為馬合馬者 馬吾告堵敖以不長堵敖 何武上自予忠名彌彰 以統同吁炎吹冷交錯而功無管以成沓陽而 天對 忠屈直原 赦曰楚 之名以 顯事衰屈 柳宗元 後君 世 能時 自 子 骨 熈 長詔

死已日日 在十二

莫儷淵迫而魄退遠乃專何以死育玄陰多缺爰感厥 無黑無中無旁鳥際乎天則巧欺淫誑幽陽以別無隈 亹亹胡楝胡宇宏離不屬馬恃夫八柱無青無黄無亦 南畫軸莫于北孰彼有出次惟汝方之側平施旁運惡 無隅曷情厥列折算則莲達尊注謂折竹小曰等午無隅曷情厥列折算則莲音專楚詞云索瓊茅以午 有谷氾當馬為明不逮為晦度引無窮不可以里煅炎 魄淵 施旁豎鞠明究曛自取十二非余之為焉以告汝規 也日 月太虚是屬基地萬獎列星成馬是託輻旋 午交

金分四周 台書

大きり目とき 聖而孽恒師雁蒙乃尚其地后惟師之難曠頻使試衆 也緾 氣擊宜害而嗣續得聖汙塗而渠夫固不可以類恆 棄於羽方陟元子以盾功定地胡離厥考而鳩龜肆 届時縮何有處鄉明馬非關晦分非藏孰旦孰幽繆 馬以夫為怪瀰冥更伯强乃陽順和調度應氣出行時 쾬 結 非 不形之形惟神是類陽健陰淫降施然摩岐靈而子 于經答龍之寓而送其住切彼角亢惟敏語語 樂於用之也盗理息壞招帝震怒賦刑在下而投地族而舉之盗理息壞招帝震怒賦刑在下而投 **押編** 柳 躔

重らで見 受是玄寶其場合成厥孽昭生于德惟氏之繼夫孰謀 謀龍智畚鋪完勤而期畫殿尾園蠢廓大殿立不植 之宜乃九于野墳殿貢藝而有上中下胡聖為不足 之東南亦已西北彼回小子胡 音見營也 禹世 式行鴻下情厥立乃降馬填絕淵然後夷于土從 以恩天極州錯富媪 路世殿十有三載乃盖考配宜儀刑九 水手 涉足 斯脈也雙必以 本四十七 富姐爰定于趾躁川静谷 顛隕爾力夫誰數 也益 tŋ 橋 八上 山 楯 汝為 畴 泥

选出于時時之丕革由是而門辟啓以通兹氣之元修 有再庫東窮歸墟到子的海之東不知幾億萬里有 文已日里 ALS 積高于乾崑崙攸居逢首虎齒爰處爰都外經云 其極無方夫何鴻洞而課校修長茫忽不準孰行 有餘泄漏復行器運浟浟音悠水 口燎爰北其首九陰極冥厥朔以炳惟若之華禀義 西盈脉完土區而濁濁清清墳爐燥疏渗渴而升充 勝而處者王母也增城之高萬有三千清温燠寒湖環之有蓬頭虎增城之高萬有三千清温燠寒 椰編 又何溢為東西南 ī, 1 有 孰 崑

忽為 金灯四 唹 耀 倏 迚 胡 Œ, 電 忽 不角 氏横 狂 死間非 之 員 林 山此也 山 長九 丘海也朱 居 凝 往 不 丈 帝 麟 视 凝 上經莊云 南 嬉夫玄熊 嶷音 有不子招 西 水 極 不死寓观 11 海 獸言學學人名是 于北 死民言説 山語樹在恐雄為莊 ඟ 至爰 交非他忽 山者仲 相 子 待 之脛屈九條南 國原首忽海 12 有 歧經殼日喜 神 炎 也言梁汪有 本住在之 南 其傳兴赤其意來莊 帝 714 司寒 子 有 倏 逸歧权氏水人 為 員 以五旅之飲黑 甚 怪 倏 知猩 立 虺 人猩 色 明 :1 Ż 羅 名能 不毒 海 王 守 國 逸之 首 有 九云败封老不 身 以帝

庸以枝屈禮 于不姜玄趾則北三危則南僊者幽幽壽馬孰慕短長 不齊咸各有止胡紛華漫汗而潛謂不 别是 沂 蛇腹象足觀厥大三歲遺骨其修已 如恐 解 射 麻謬 柳云鳥 人是食馬有十日其火百物界宜炭赫厥體 赤叉 在 1111 海 姑 涥 射 記射支 中 巫 山有草其 ВP 當作鳥後人因 Ú 右 泉華也 **贮雀時北雄當為** 即偏 日中之 澤干里羣鳥是 **厥圖以詭浮山孰産赤華伊泉** 鳥 上 句 而借 改 鳥 解 食人王逸注 崔 **し號黑水淫淫窮** 為 羽 胜崔在號 死酸魚人 鳥 二字 海 經 貌 Ð 邇 雀

面坑四库全書 命復為叟耆曷戚曷孽呱勤于徳民以乳活扈仇厥 禹懲于續盒婦五合版湖末 禹授以土爰稼萬億違溺踐垍休居以康食姑不 柄以雄光窮聖庸夫孰克害益華民艱咸發厥 攸監被弘克藏俾奴作夏獻后益於帝諄諄以 與視三過 切婚爾母産聖何臨厥旅彼淫言亂蜀 呱呱之不盡而孰圖味卒燥中野民 啓達展聲堪與以呻 離厥庸三門以不眠 辨同容之 不

死亡り目 さいう 完維蒲維旅維蘆丕徹以圖民以謹以都堯酷厥父 帝叛德恣力胡肥台舌喉而濫厥福寒讒婦謀后夷卒 子激以功克碩威祀後世是郊夏郊王子怪駭蜺形弟 找荒棄于野俾好民是减舉土作仇徒怙身張罪淫 有洛之姨好馬妻于校今夫快殺罪稀以慮館馨膏腴 而誣帝以降震皜厥鱗集于皖肆叫帝不諶失位滋嫚 烹之 無疑羽嚴化黃而淵子宜播殖稱于丘丁川 同聰馘以不處夷界滔荒割更后相夫孰作厥孽 稗編

丘掉馬不危盤厥首而恒以恬夷要釋而陵殆或謫之 莫謀形胡在胡亡幽陽潛爨陰蒸而雨萍憑以與厥號 龍伯負骨帝尚容之澆緣到切好也以力凡塵聚之康 爰所氣怪以神爰有竒驅脇屬支偶尸帝之隅宅靈之 舟喻易尚或艱之惟桀嗜色戎得蒙昧淫處暴娱以大 于田肆克宇之既裳既舍宜咸墜厥首湯奮癸族爰 個拊載厥德于葛以詰仇鉤康復舊物尋馬保之

建与世

屋有量

裳衣硫操戈猶情夫樂良終鳥號以游奮厥篚筐智漢

次定四重公馬 知言明馬以為不仁易愚危夫曷揆曷謀咸逃黃淵虐后 季旅嶽雅同度厥義以嘉吴國空桑鼎殷諂羹厥鵠惟 之妈軀虺號占以類之胡曰日化七十工獲詭之舜弟脈 蒸翼翼于娲之汭紂臺于璜箕克兆之惟徳登帝師以首 啓展伐瞽父仇舜鰥以不儷堯專以女兹俾角厥世惟然 以劉也降厥觀於下匪擊孰承條伐巢故民用潰厥疣以 不克以盛見庸致愛邑鼻鼻所封色以賦富嗟伯之仁緣 厥仇 畢屠水火夫固優游以聖而孰殆 厥禍犬 新于徳 然 押煸 <u>†</u>

寶被躬焚以旗之平武王斩封頭魅之太白之旗 唇釋 賊辛后蘇五該狂無憂以肥肆荡弛厥體而充膏于肌曲 于牧力使后之民仇馬寓啓林以新殷武踵徳爰獲牛之 矜矜澆扈爰踣陷干以娱苗革而格不迫以死夫胡狃 殿 馬以嘉該德尚者蘇以于西虎爪手鉞尸刑以司隱牧正 夷于膚夫曷不強學狄禱謀契形于胞胡乙數之食而怪 金グロスとこ 是八月生 解文状淫遭怒以根彼中之不目而徒以所獲偏施解文状淫遭怒以根彼中之不目而徒 大牛夫唯陋民是自而不號以瑞卒營而班民心是出雅

紂淫以害師極比之咸追厥死争祖器之翼鼓顛禦 鉞旦孰喜之民父有釐嗟以美之位庸芘民仁克蒞之 實罪德之由師憑怒以割癸挑而讎膠鬲比發雨行踐 有玉女湯巡吳獲既內克厥合而外弼于德伊知非妃伊 棒盎救灼仁與以畢隨鷹之咸同得使萃之頭約黄 知臣曷以不識胡木化于母以蝎厥聖陽馬不良謾以 正盡邑以墊孰譯彼夢湯行不類重泉是囚違虐立辟

以色視象不凡龔而奮以謀盖聖孰山怒嗣用紹厥愛幸

天 とり 単くせつ

謠 九合建孽而壞紂無誰使惑堆志為首逆圖倒視 舞靡之 給娱戴勝之獸觴瑤 合厥道而詰彼尤違 **|栗其孤幽禍智以秀憚褒以漁淫皆薎** 白 左 死雲 眳 我解於以後而化 電是華天邀以家人么以 水濱能昭荆陷社之緣廷越裳轉肯姓之 尚在 招十 能天 詩 復山 諷年 來陵 穆 祭 王 公 答自 池 **猖洋以游輪** 出 以选謠 桓號其大任 萬道 民平均 子西 吾山鵤王 行九野惟怪 屬以俊幸 顀 母 ות 間瑤戴之池勝 汝孺贼 字即 岌 典 2 穆 上 謀 慒

五气口及

1 TIME

高伯鞭于西化江漢滸易岐社以大國之命以作武瑜 を見りしない 道臨梅奴箕忠咸喪以配厚東靈而功篤胡爽馬翼水 以修龍干異名死八雷濟克后聞文德邁以被尚勤順 梁索囊擅仁蟻萃妲滅淫商痛民以虽去肉梅以順鳥 以炎盍崇長馬既岐既嶷宜庸將馬紂凶以啓武紹尚 以外前岐目厥心瞭版顯光奮力屠國問之望日下 作 國以開龍竟 不台訴熟盈矣當作惡兵躬珍祀牙伏牛漁積內 , 性殿商發殺曷逞寒民于烹惟栗 ı ı

金与四月白量 快侈富愈多厥車卒逐以旅咨吟于野胡岩之佷嚴墜 **後夢祖憾離以厲彷徨激覆而勇鏗羹于帝聖孰嗜味** 文考而度子以組征中語不列恭君以雉胡螾訟蟯賊 姬嬈 祐之湯擊之合祚以久食昧始以昭末克庸成績光 **羣螫夫何足病萃回偶昌鹿曷祐以女鍼欲兄愛以** 珍丁厥任合行達匿固若所即優音 切 死自暮而谁變以伊壽塊切對醫已毒不以外肆 喻 而以變天地天集厥命惟德受之消怠以棄天 各四 t 愁毒意誰

昔 酏 齊 孔子 亦異事 楚 文 可化徒若罷闔綽厥武滋以侈頹於莵 祖秦陷厥於讒登校 闻 作 春秋 怠 代司天考 闻功其物 ,誠若名不尚曷極而 高庸歸敖吾敖之闕以 通唐 壁祠 而 而柳何堂 而圖 盡 問 備予述本紀書人而不書 欲 庸佛以施甘恬 以地 質 渫山 意以慎川 猶義 邁神 旅 有理 螷 為 歐 雜 注 凙 禍 陽修 云 凶鱼 凪 為 其條 楚 大 間對 徒賢 鋤 范謂 先彷 敖 成 虎

於人亦不以天參人絕天于人則天道廢以天參人則 莫不稱天以舉事孔子刪詩書不去也盖聖人不絕天 盈而流謙思神害盈而福謙人道惡盈而好謙此聖人 子未嘗道其所以然者故其弟子之徒莫得有所述於 人事惑故常存而不究也春秋雖書日食星變之類乳 知質諸聖人之言可也易曰天道虧盈而益謙地道變 後世也然則天果與於人乎果不與於人乎曰天吾不 何敢異聖人哉其文雖異其意一也自堯舜三代以來

多好四届全書

卷四十七

とこりらんたる 害福若人則可知者故直言其情曰好惡其知與不 矣人之貪滿者多禍其守約者多福思神吾不知吾見 物之下者進而流行之地吾不知吾見其變流於物者 知為言其可知者人而已夫日中則呉盛衰必復天吾 極論天人之際最詳而明者也其於天地思神以不可 以測之故據其迹之可見者以為言曰虧益曰變流 曰 人之禍福矣天地思神不可知其心則因其著於物者 不知吾見其虧益於物者矣草木之成者變而衰落之 ŧ

王者君天下子生民布德行政以順人心是之謂奉天 與人無以異也則修吾人事而已人事者天意也書曰 於人乎則所不知也以其不可知故常尊而遠之以其 異辭也參而會之與人無以異也其果與於人乎不與 占之有中有不中不可以為常者有司之事也本紀所 意怒于上者未有人理逆于下而天道順于上者然則 至於三辰五星常動而不息不能無盈縮差忒之變而 天视自我民视天聴自我民聴未有人心悦于下而天

金灯四周石量

卷四十七

人二日日 公本司 述人君行事詳矣其與亡治亂可以見至於三辰五星 逆順變見有司之所占者故以其官誌之以備司天之 子屬後句四星末大星正妃餘三星後宫之屬也環之 **異乎春秋也考者可以知焉** 災異矣天文五行之說不勝其繁也予之所述不得不 所考嗚呼聖人既沒而異端起自秦漢以來學者惑於 中宫天極星其一明者太乙常居也旁三星三公或曰 天官書 押編 司馬遷

謂璇璣玉衙以齊七政杓攜龍角衛殷南斗魁枕参首 允若見若不曰陰徳或曰天一紫宫左三星曰天槍右 濟之間平旦建者魁魁海岱以東北也斗為帝車運于 用昏建者杓杓自華以西南夜半建者衡衡殷中州 五星曰天棓後六星絶漢抵營室曰閣道北斗七星所 **皆繁于斗斗魁戴匡六星曰文昌宫一曰上将二曰次** 央臨制四鄉分陰陽建四時均五行移節度定諸

金与巴屋石雪

匡衛十二星藩臣皆曰紫宫前列直斗口三星隨兆端

表四十七

大星天王前後星子屬不欲直直則天王失計房為府 端有兩星一内為矛抬搖一外為盾天鋒有句團十五 貴人之牢魁下六星兩兩相比者名曰三能三能色齊 星屬杓曰賤人之牢其牢中星實則囚多虛則開出天 將 三日贵相四曰司命五曰司中六曰司禄在斗魁 中 曰天腳其陰右骖旁有兩星曰於北一星曰牽東北曲 君臣和不齊為乖戾輔星明近輔臣親强斥小疏弱杓 槍棓矛盾動搖角大兵起東宮蒼龍房心心為明堂

火にり見らり

禪編

九

きいってんとう 君臣斥絕不和箕為敖客曰口舌火犯守角則有戰房 角者天王帝廷其兩旁各有三星鼎足句之曰攝提攝 十二星日旗旗中四星曰天市中六星曰市樓市中星 心王者惡之也南官朱鳥權衡衛太微三光之廷匡衛 提者直斗杓所指以建時節故曰攝提格亢為疏廟主 疾其南北兩大星日南門氐為天根主疫尾為九子曰 **衆者實其虛則耗房南衆星曰騎官左角李右角將大** 一星潘臣西將東相南四星執法中端門門左右掖

成形皆羣下從謀也金火尤甚廷藩西有隋星五日少 微士大夫權軒轅軒轅黃龍體前大星女主衆旁小星 所守天子所誅也其逆入若不軌道以所犯命之中坐 然日郎位傍一大星將位也月五星順入軌道司其出 門門內六星諸侯其內五星五帝坐後聚一十五星蔚 大小四回 Litio 鬼祠事中白者為質火守南北河兵起殼不登故德成 曲星曰鉞鉞北北河南南河兩河天闕間為關梁與思 御者后宫屬月五星守犯者如衡占東井為水事其西

客較為車主風其旁有一小星曰長沙星星不欲明明 樓庫有五車車星角岩益眾及不具無處車馬西宫咸 與四星等若五星入較星中兵大起較南東星日天庫 星頸為員官主急事張素為厨主觴客翼為羽翮主遠 衝觀成潢傷成鉞禍成井誅成質柳為鳥注主木草七 其南衆星曰廥積昴曰旌頭胡星也為白衣會畢曰罕 池曰天五潢五潢五帝車舍火入旱金兵水水中有三 柱柱不具兵起奎曰封豕為溝瀆婁為聚衆胃為天倉

包四十七

外四星左右有股也小三星隅置曰觜熊為虎首主葆 讒亂臣在側昴畢間為天街其陰陰國陽陽國參為白 車為邊兵主弋獵其大星旁小星為附耳附耳搖動有 旅事其南有四星曰天厠厠下一星曰天矢矢黄則古 虎三星直者是為衡石下有三星允曰罰為斬艾事其

青白黑凶其西有句曲九星三處羅一曰天旗二曰天

有

四星曰狐直狼狼比地有大星曰南極老人老人見治

<u>‡</u>

ŀ

大三百百二十

起北宫玄武虚危危為盖屋虚為哭泣之事其南有衆 天潢天潢旁江星江星動人涉水杵回四星在危南匏 旁一星曰王良王良策馬車騎淌野旁有八星絕漢曰 北落岩微亡軍星動角益希及五星犯北落入軍軍起 星曰羽林天軍軍西為壘或曰鉞旁有一大星為兆落 安不見兵起常以秋分時候之于南郊附耳入單中兵 火金水尤甚火軍憂水患木土軍吉危東六星兩兩相 日司空管室為清廟日離官閣道漢中四星日天腳

多坑四周全書

義致天下以攝提格歲歲陰左行在寅歲星右轉居丑 前日贏退舍日縮贏其國有兵不復縮其國有憂將亡 星順逆曰東方木主春日甲乙義失者罰出歲星歲星 將婺女其北織女織女天女孫也察日月之行以揆歲 Unil Dual Arthur 國領敗其所在五星皆從而聚于一舍其下之國可以 贏縮以其舍命國所在國不可伐可以罰人其趨舍而 旗也牽牛為犧牲其北河鼓河鼓大星上將左右左右 瓜有青黑星守之魚鹽貴南斗為廟其北建星建星者!

度之七率日行十二分度之一十二歲而周天出常東 止反逆行逆行八度百日復東行歲行三十度十六分 次有應見柳歲早水晚旱歲星出東行十二度百日而 居與營室東壁晨出曰青章青章甚章其失次有應見 名曰降入其歲大水執徐歲歲陰在辰星居亥以三月 月與婺女虛危晨出曰降入大有光其失次有應見張 方以晨入於西方用昏單闕歲歲陰在卯星居子以二

動好四月月月

正月與斗牽牛晨出東方名曰監徳色蒼蒼有光其失

火を日本人はかり 思晨出口大音昭昭白其失次有應見牽牛作邪歲歲 次有應見房歲早旱晚水叶冷歲歲陰在未星居申以 晨出曰開明炎炎有光偃兵惟利公王不利治兵其失 有應見箕沼灘歲歲陰在中星居未以七月與東井 輿 六月與觜鶴參晨出曰長列昭昭有光利行兵其失次 **軫口青章歲早旱晚水大荒縣歲歲陰在已星居戌以** 有應見亢敦牂歲歲陰在午星居酉以五月與胃昴畢 四月與奎婁門昴晨出曰跰踵熊熊赤色有光其失次

軫晨出曰天睢白色大明其失次有應見東壁歲水女 目有女喪民疾閣茂歲歲陰在成星居已以九月與翼 **陰在子星居卯以十一月與氐房心晨出曰天泉玄色** 必武其國有德將有四海其失次有應見婁困敦歲歲 大章蒼蒼然星若躍而陰出旦是為正平起師放其率 喪大淵獻歲歲陰在亥星居辰以十月與角亢晨出曰 作有芒國其昌熟穀其失次有應見危曰大章有旱而

陰在酉星居午以八月與柳七星張晨出曰為長王作

天正り年 から 一 當去去之與他星會其國凶所居久國有德厚其角動 乍小乍大岩色數變人主有憂其失次含以下進而東 色甚明其失次有應見參當居不居居之又左右搖未 西南三月生天槍長數丈兩頭光謹視其所見之國 北三月生天棓長四尺末兊進而東南三月生彗星長 **陰在五星居寅以十二月與尾箕晨出曰天皓黫然黒** 甚明江池其昌不利起兵其失次有應在昴赤奮若歲歲 大類彗星退而西北三月生天攙長四丈末光退而 押紙 甚

野亡色赤而有角其所居國昌迎角而戰者不勝星色 熒惑為勃亂殘賊疾喪飢兵反道二舍以上居之三月 熒惑失行是也出則有兵入則兵散以其舍命國熒惑 剛氣以處熒惑日南方火主夏日丙丁禮失罰出熒惑 攝提曰重華曰應星曰紀星管室為清廟歲星廟也察 星入月其野有逐相與太白關其野有破軍歲星一 赤黄而沈所居野大穰色青白而赤灰所居野有憂歲 可舉事用兵其出如浮如沉其國有土功如沉如浮其

1月にした 1月に

南為丈夫北為女子喪若角動繞環之及作前午後左 從而聚于一舍其下國可以禮致天下法出東行十六 有殃五月受兵七月半亡地九月大半亡地因與俱出 之東行急一日行一度半其行東西南北疾也兵各聚 入西方伏行五月出東方其出西方曰反明主命者惡 舍而止逆行二舍六旬復東行自所止數十舍十月而 右殃益大與他星圖光相逮為害不相逮不害五星皆 入國絕祀居之殃還至雖大當小久而至當小反大其

アルコリーといれる

土不乃失女不可舉事用兵其居久其國福厚易福薄 土主季夏日戊已黄帝主徳女主象也歲填一宿其所 堂葵感廟也謹候此思斗之會以定填星之位日中央 出太白陰有分軍行其陽有偏將戰當其行太白建之 其下用戰順之勝逆之敗熒惑從太白軍憂離之軍却 不乃得女若當居而不居既已居之又西東去其國失 破軍殺將其入守犯太微軒轅營室主命惡之心為明 居國吉未當居而居若已去而復還還居之其國得土

息四十七

復不乃天裂岩地動斗為文太室填星廟天子之星也 行二十八分度之一二十八歲周天其所居五星皆從 木星與土合為内亂飢主勿用戰敗水則變謀而更事 命不成不乃大水失次下二三宿曰縮有后戚其歲不 其色黄光芒音曰黄鍾宫其失次上二三宿曰贏有主 而聚於一舍其下之國可重致天下禮德義殺刑盡失 J. 17 1.1. 而填星乃為之動搖贏為王不寧其縮有軍不復填星

名曰地候主歲歲行十二度百十二分度之五日

火為旱金為白衣會若木金在南曰牝牡年穀熟金在 子孫蕃目無德受殃若亡五星皆大其事亦大皆小事 外内有兵與喪改立公王四星合兵喪並起君子憂小 亡地入得地金為疾為内兵亡地三星岩合其宿地國 事大敗土與水合穰而擁別有覆軍其國不可舉事出 事用兵大敗土為憂生孽卿大飢戰敗為北軍軍困舉 北歲偏無火與水合為烽與金合為鎌為喪皆不可舉 人流五星合是謂易行有徳受慶改立大人掩有四方

我定匹庫全書

卷四十七

所終五星同色天下偃兵百姓寧昌春風秋雨冬寒夏 欠らりまという 十日反東行見三百三十日而入入三十日復出東方 暑動搖常以此填星出百二十日而逆西行西行百二 事白角哭泣之聲青角有兵憂黑角則水意行窮兵之 憂水黑園為疾多死黃園則古赤角犯我城黃角地之 之矣五星色白園為喪旱赤園則中不平為兵青園茶 必有天應見於杓星同舍為合相凌為鬪七寸以內必 亦小早出者為贏贏者為客晚出者為縮縮者為主人 稗編 Ē

金灯四周全量 行三舍十六日而出當出不出當入不入是謂失舍不 出太白太白失行以其舍命國其出行十八舍二百四 白曰西方秋司兵月行及天矢日庚辛主殺殺失者罰 太歲在甲寅鎮星在東壁故在營室察日行以處位太 角晨出入畢與角夕出入畢與畢晨出入箕與畢夕出 室晨出東方至角而入與營室夕出西方至角而入與 有破軍必有國君之篡其紀上元以攝提格之歲與營 十日而入入東方伏行十一舍百三十日其入西方伏

大二の目とは 而入其庫近日曰太白柔髙遠日曰大相剛出以辰戌 日上極而行遲日半度百二十日旦入必逆行一二舍 髙遠日曰大鬒剛其始出西行疾率日一度半百二十 行遅率日半度一百二十日必逆行一二舍上極而反 入箕與箕晨出入柳與箕夕出入柳與柳晨出入營室 東行行日一度半一百二十日入其庫近日曰明星柔 與柳夕出入營室凡出入東西各五為八歲二百二十 日復與營室晨出東方其大率歲一周天其始出東方

也其國昌其出東為東入東為北方出西為西入西為 未當出而出當入而不入天下起兵有破國其當期出 居其北曰贏侯王不寧用兵進吉退凶日方南金居其 兵深吉淺凶庫淺吉深凶日方南金居其南日方北金 吉出東至西正東國吉其出不經天經天天下革政小 南方所居久其鄉利疾其鄉凶出西逆行至東正西國 入以丑未當出不出未當入而入天下偃兵兵在外 以角動兵起始出大後小兵弱出小後大兵强出髙用

金分四月月

兵革遺人用之卒雖衆將為人虜其出西失行外國敗 日又復微出出三日而復盛入其下國有憂師有糧食 兵象太白太白行疾疾行遲遲行角敢戰動搖躁躁國 北日方北金居其南曰縮侯王有憂用兵退吉進凶用 三日乃復盛出是謂栗其下國有軍敗將北其己入三 事黃園和角有土事有年其已出三日而復有微入 角有戰白角有喪黑團角憂有水事青團小角憂有木 以静静顺角所指吉反之皆凶出則出兵入則入兵亦

大三日日から

稗編

芜

赤兵威不戰太白白凡狼赤凡心黄凡参左肩蒼凡參 國可以兵從天下居實有得也居虛無得也行勝色色 榆間疾其下國上而疾未盡其曰過參天疾其對國 勝位有位勝無位有色勝無色行得盡勝之出而留桑 右肩黑比奎大星五星皆從太白而聚乎一舍其下之 其出東失行中國敗其色大園黃潭可為好事其園大 不合兵雖起而不關合相毀野有破軍出西方昏而出 下下復上有反將其入月將僇金木星合光其下戰

金写口屋台雪

Valorable Lister 出其南南國敗出其北北國敗行疾武不行文色白五 出兵兵有殃其出卯南南勝北方出卯北北勝南方正 弱夜半出中弱昏出大弱是謂陽陷於陰太白伏也以 芒出蚤為月蝕晚為天矢及彗星將發其國出東為徳 酉 陰陷於陽其在東方乗明而出陽陽兵之强難鳴出小 陰陰兵强暮食出小弱夜半出中弱難鳴出大弱是 謂 卯東國利出西北北勝南方出西南南勝北方正在 西國勝其與列星相犯小戰五星大戰其相犯太白 Ē

者罰出辰星以其宿命國是正四時仲春春分夕出郊 星大相天治序星月緯大司馬位謹候此察日辰之會 國强女主目亢為疏廟太白廟也太白大臣也其號上 凶太白光見景戰勝畫見而經天是謂爭明强國弱小 舉事左之迎之吉出西為刑舉事右之背之吉反之皆 以治辰星之位曰北方水太陰之精主冬日壬癸刑失 奎婁胃東五舍為齊仲夏夏至夕出郊東井與鬼柳東 公其他名殷星太正營星觀星宫星明星大衰大澤終

国坑四周台書

時不出天下大機其當效而出也色白為旱黄為五穀 其與太白俱出東方皆亦而角外國大敗中國勝其與 方其赤中國勝其西而赤外國利無兵於外而赤兵起 宜效不效為失追兵在外不戰一時不出其時不和四 冬冬至晨出郊東方與尾箕斗牽牛俱西為中國其出 七舍為楚仲秋秋分夕出郊角亢氏房東四舍為漢仲 熟赤為兵黑為水出東方大而白有兵於外解常在東 入常以辰戌丑未其蚤為月蝕晚為彗星及天矢其時

大いとりまれたはは

押编

圭

るられてんという 戰出東方太白出西方若出西方太白出東方為格野 為客其出太白為主出而與太白不相從野雖有軍 東方中國利積于西方外國用者利五星皆從辰星而 客軍勝下出客亡地辰星來抵太白太白不去將死正 雖有兵不戰失其時而出為當寒反温當温反寒當出 聚于一舍其所含之國可以法致天下辰星不出太白 不出是謂繁卒兵大起其入太白中而上出破軍殺將 太白俱出西方皆亦而角外國利五星分天之中積于

擾安周星細與能星鈎星其色黃而小出而易處天下 兵憂黑角水赤行窮兵之所終免七命曰小正辰星天 數萬人戰主人吏死出太白右去三尺軍急約戰青角 とこうず たち 軍其繞環太白岩與關大戰客勝免過太白間可減劒 旗上出破軍殺將客勝下出客亡地視旗所指以命破 之文變而不善矣免五色青園憂白園喪赤園中不平 小戰客勝免居太白前軍罷出太白左小戰摩太白有 黑園吉亦角犯我城黄角地之爭白角號泣之聲其出

青黃夏亦白秋青白而歲熟冬黃而不明即變其色其 東方行四舍四十八日其數二十日而反入于東方其 時不昌春不見大風秋則不實夏不見有六十日之旱 出西方行四舍四十八日其數二十日而反入于西方 邑夏則不長角亢氐兖州房心豫州尾箕幽州斗江湖 月蝕秋不見有兵春則不生冬不見陰雨六十日有流 牽牛婺女揚州虛危青州營室至東壁并州奎婁胃徐 候之管室角軍箕柳出房心間地動辰星之色春

金丘四犀全書

春四十七

勝先至先去前利後病後至後去前病後利後至先去 抢為和背不和為分離相去直為自立立侯王指暈岩 前後皆病居軍不勝見而去其發疾雖勝無功半日以 河翼較荆州七星為貧官辰星廟蠻夷星也兩軍相當 2. T ... 1. L. 日暈暈等力釣厚長大有勝薄短小無勝重抢大破無 殺將負且戴有喜園在中中勝在外外勝青外亦中 昴畢真州觜熊參益州東井與思雅州柳七星張三 和相去赤外青中以惡相去氣暈先至而後去居軍 解編 Ī

喪也角天門十月為四月十一月為五月十二月為六 北三尺太陰大水兵陽間驕恣陽星多暴微太陽大旱 也月行中道安寧和平陰間多水陰事外兆三尺陰星 期三十日遠期六十日其食食所不利復生生所利而 上功大白虹屈短上下允有者下大流血日暈制勝 陽言旱水兵喪月蝕歲星其宿地飢若亡熒惑也亂 月水發近三尺遠五尺犯四輔輔臣執行南北河以除 食益盡為主位以其直及日所宿加以日時用命其國

國兵四月全書

表四十七

强其衝不利昭明星大而白無角乍上乍下所出國起 將相當之國皇星大而赤狀類南極所出其下起兵兵 甲乙四海之外日月不占两丁江淮海岱也戊己中 凡五百一十三月而復始故月蝕常也日蝕為不滅也 星也下犯上太白也强國以戰敗辰星也女亂食大角 河濟也與辛華山以西壬癸恒山以北日蝕國君月蝕 主命者惡之心則為内賊亂也列星其宿地憂月食始 日五月者六六月者五五月復六六月者一 而五月者

東記事心的

孟

赤數動有光司危星出正西西方之野星去地可六丈 引りて 亡有德者昌燭星狀如太白其出也不行見則滅所 光亦出四隅去地可三丈若月始出所見下有亂亂者 大而白類太白獄漢星出正北北方之野星去地可六 兵多變五殘星出正東東方之野其星狀類辰星去地 丈大而赤數動察之中青此四野星所出出非其方其 下有兵衝不利四填星所出四隅去地可四丈地維咸 可六丈大贼星出正南南方之野星去地可六丈大而

起地而上下大上允其見也不種而獲不有土功必有 其下天狗狀如夫奔星有聲其下止地類狗所墮及炎 亦金之散氣其本曰水漢星多多水少則早其大經也 歸國者星者金之散氣本曰火星衆國吉少則凶漢者 則有黃色千里破軍殺將格澤星者如炙火之狀黃白 火望之如火光炎炎衛天具下園如數頃田處上允者 者城邑亂如星非星如雲非雲命曰歸称歸邪出必有 天鼓有音如雷非雷音在地而下及地其所往者兵發

次に日母という一

押編

Ī

餘二千里登髙而望之下屬地者三千里雲氣有獸居 道之國凡望雲氣仰而望之三四百里平望在桑榆上 上者勝自華以南氣下黑上亦萬髙三河之郊氣正赤 星天精而見景星景星者徳星也其狀無常常出于乍 著天此星見兵起星墜至地則石也河濟之間時有墜 大流星她行而着黑望之如有毛羽然長真如一疋布 大害蚩尤之旗類彗而後曲象旗見則王者征伐四方 旬始出于孔斗旁状如雄難其怒青黑象伏鼈枉矢類

五万で上人丁甲

間氣好白徒氣白土功氣黃車氣乍高乍下往往而聚 之十餘里見氣來高丈餘二丈者不過三四十日去之 氣相遇者甲勝高允勝方氣來甲而循車通者不過三 騎氣甲而布卒氣搏前甲而後高者疾前方而高後允 五六十里見稍雲精白者其將悍其士怯其大根而前 而里者卻其氣平者其行徐前髙而後里者不止而反 こうう ここ 四日去之五六里見氣來高七八尺者不過五六日去

恒山之北氣下黑上青勃褐海岱之間氣皆黑江淮之

絕遠者當戰青白其前低者戰勝其前亦而仰者戰不 勝陣雲如立垣杼雲類杼軸雲搏兩端允杓雲如繩者 幡旗大水處敗軍場破國之虛下有積錢金寶之上皆 其形以占故北夷之氣如羣畜穹間南夷之氣類舟船 合鬪其直王朔所候決于日旁日旁雲氣人主象守如 雲見以五色合占而澤搏密其見動人及有占兵必起 居前旦天其半半天其望者類關旗故鉤雲句曲諸此 有氣不可不察海旁帳氣象樓臺廣埜氣成官關然氣

多定四庫全書

卷四十七

蕭索輪国是謂御雲鄉雲見喜氣也若霧非霧衣冠而 不濡見則其域被甲而趨天雷電蝦虹辟歷夜明者陽 華實息者古虛耗者凶岩煙非煙岩雲非雲郁郁紛紛 各象其山川人民所聚積故候息耗者入國邑視封疆 開縣物地動坑絕山崩及徒川塞點狀水澹澤竭地長 氣之動者也春夏則發秋冬則藏故候者無不司之天 田畴之正治城郭室屋門户之潤澤次至車服畜産精 したりか 見象城郭門間閨果枯葉宫廟邸第人民所次謠俗車 1.1. 伊쎼 圭

六畜禽獸所產去就魚鼈鳥眾觀其所處鬼哭岩呼其 為中歲東北為上歲東方大水東南民有疾疫歲惡故 初歲正月旦王者歲首立春日四時之卒始也四始者 服觀民飲食五穀草木觀其所屬倉府廐庫四通之路 候之日而漢魏鮮集臘明正月正旦决八風風從南方來 日產氣始的贈明日人衆卒歲一會飲食發陽氣故曰 人逢倍訛言誠然凡侯歲美惡謹侯歲始歲始或冬至 軍西南小旱西方有兵西北戎殺為小雨趣兵北方

多好四年全書-

巻四十七

次定四華全書 一惡是日光明聽都邑人民之聲聲宫則歲善吉商則有 風無日當其時深而少實有日無雲不風當其時者稼 我下鋪至日入為麻欲終日有雨有雲有風有日日當 核復起各以其時用雲色占種其所宜其雨雪岩寒歲 有敗如食頃小敗熟五斗米頃大敗則風復起有雲其 其時者深而多實無雲有風日當其時沒而多實有雲 旦至食為麥食至日昳為稷昳至餔為黍餔至下餔為 風各與其衝對課多者為勝多勝少久勝亟疾勝徐 押編

若旦黃雲惡冬至短極縣土炭炭動鹿解角蘭根出泉 為其環城千里内占則其為天下候竟正月月所離列 火旱此其大經也正月上甲風從東方宜蠶風從西方 至七升而極過之不占數至十二日日直其月占水旱 兵徴旱羽水角歲惡或從正月旦比數雨率日食一升 宿日風雲占其國然必察太歲所在在金穰水毀木飢 衝歲乃有殃太史公曰自初生民以來世主曷嘗不 **躍略以知日至要決晷景歲星所在五穀逢昌其對**

分りて

跃定四車全書 |言不著音之傳天數者高辛之前重黎于唐虞義和有 以合時應其文圖籍機祥不法是以孔子論六經記異 理之幽厲以往尚矣所見天變皆國殊窟穴家占物怪 宿地則有州域三光者陰陽之精氣本在地而聖人統 則有日月地則有陰陽天有五星地有五行天則有列 分中國為十有二州仰則觀象於天俯則法類於地天 說不書至天道命不傅傅其人不待告告非其人雖 Ī

厯

日月星辰及至五家三代紹而明之内冠帶外夷狄

時星質如雨天子微諸侯力政五伯代與更為主命 秋二百四十二年之間日蝕三十六彗星三見宋襄公 在齊甘公楚唐昧趙尹皐魏石申夫天運三十歲一 是之後衆暴寡大并小秦楚吴越夷狄也為强伯田氏 際續備太史公推古天變未有可考于今者盖略以春 夏昆吾殷商巫咸周室史供甚弘於宋子章鄭則神竈 其大數也為國者必貴三五上下各千歲然後天人之 變百年中變五百載大變三大變一紀三紀而大備此

卷四十七

東三日祖 上 篡齊三家分晉並為戰國争於及取兵革更起城邑數 在展星占于虚危宋鄭之强候在歲星占于房心晉之 主十二州斗并兼之所從來久矣秦之强也候在太白 尤急近世十二諸侯七國相王言從衛者繼踵而皐唐 强亦候在尼星占于參罰及秦并吞三晉燕代自河山 占于狼弧吴楚之强候在熒惑占于鳥衛熊齊之强候 **甘石因時務論其書傳故其占驗凌雜米鹽二十八舍** 屠因以飢饉疾疫焦苦臣主共憂患其察機祥候星氣 神織

為客主人熒惑為孛外則理兵內則理政故曰雖有 是以秦晉好用兵復占太白太白主中國而胡狢數侵 衣旃裘引亏之民為陰陰則月太白辰星占于街北昴 星熒惑填星占于街南畢主之其西北則胡格月氏諸 以南者中國中國于四海內則在東南為陽陽則日歲 主之故中國山川東北留其維首在隴蜀尾沒于勃碣 獨占展星展星出入躁疾常主夷狄其大經也此更 **必視熒惑所在諸侯更强時菑異記無可録者**

多次电影 人工

四

灰ピの事を与 城之圍月暈參畢七重諸吕作亂日蝕畫晦吴楚七 從諸侯西坑秦人誅屠咸陽漢之與五星聚于東井平 秦始皇之時十五年彗星四見久者八十日長或竟天 叛逆彗星數丈天狗過深野及兵起遂伏尸流血其 尤以來未當若斯也項羽級鉅應枉矢西流山東遂合 其後秦遂以兵滅六王弁中國外壤四夷死人如亂麻 元光元狩蚩尤之旗再見長則半天其後京師師四出 因以張楚並起三十年之間兵相駘籍不可勝數自蚩 押稿

應隨之者也夫自漢之為天數者星則唐都氣則王朔 **岩至委曲小變不可勝道由是觀之未有不先形見而** 之拔星弟于河戒兵征大蛇星弟招搖此其聲聲大者 **誅夷狄者數十年而伐胡尤甚越之亡癸感守斗朝鮮** 行所守及他星逆行日月薄蝕皆以為占余觀史記考 而變色日月薄蝕行南北有時此其大度也故紫官房 行事百年之中五星無出而不反逆行反逆行常威大 占歲則魏解故耳石思五星法唯獨熒惑有反逆行逆

五岁 口龙 公司

20.10 md 1.40 徳月變省刑星變結和凡天變過度乃占國君强大有 天之五佐為經緯見伏有時所過行贏縮有度日變修 心權衡成池虚危列宿部星此天之五官坐位也為經 與政事俯仰最近大人之符此五者天之感動為天數 德者昌弱小飾詐者亡太上修德其次修政其次修救 不移徙大小有差濶狹有常水火金木填星此五星者 用日月暈適雲風此天之客氣其發見亦有大運然其 其次修穰正下無之夫常星之變希見而三光之占亟

量圍常大放載謂有太陽也一曰白帝行徳畢昴為之 行德天夭為之起風從西北來必以與辛一 矣養帝行徳天門為之開亦帝行徳天牢為之空黃帝 者必通三五終始古今深觀時變察其精粗則天官備 年不徳風雨破石三能三衡者天廷也客星出天廷有 圍圍三幕德乃成不三幕及圍不合德不成二曰以辰 圍不出其旬黑帝行徳天關為之動天行徳天子更立 大赦三至小赦白帝行德以正月二十日二十 秋中五至 日月

多坑四周全書

卷四十七

大江田巨公町

<u> </u>					:-:	
押編卷四十七					,	が見い人人で
セ			-			
	·					基四十七
		,	·	٠		_